

AMAKHETHO

ATJHAPHULUKILEKO NANGATHATHIHLANGOTHI

KHUYINI OKWENZA AMAKHETHO ABE NGATJHAPHULUKILEKO NANGATHATHIHLANGOTHI?



Kunemithetjhwana ecacileko elawula amakhetho

Ilungelo lamaSewula Afrika lokuzibandakanya emakhethweni atjhaphulukileko nangathathi ihlangothi lindlalwe emThethwenisisekelo weRiphabhliki yeSewula Afrika. UmThetho wezamaKhetho (wama-73 womnyaka we-1998) uhlathulula ngehlinzekelo lokulawula amakhetho kamasipala. UmThetho wamaKhetho kaMasipala (wama-27 womnyaka we-2000) uhlathulula ihlinzekelo elilawula amakhetho kamasipala. Umthetho lo ubuye utjho indlela yokuziphatha engasisemthethweni eyenzeka ngaphambi nofana ngesikhathi samakhetho.



Ivowudu lakho liyifihlo

Abavowudu bangazibandakanya emakhethweni ngaphandle kokusaba abanye bona bazi ukuthi bobani ababavowudeleko.



Amakhetho enziwa njalo

AmaSewula Afrika bavowuda kokubili emakhethweni wesitjhaba newesifunda begodu nemakhethweni kamasipala. Woke nje enziwa qobe ngeminyaka emihlanu.



Uyazikhethela

Kuneenhlangothini ezinengi zezepolotiki ongakhetha kizo. Omunye nomunye angaba yingcenywe yehlangothini enye nanye nofana abe ngung'khethani emakhethweni begodu ungasekela nofana ube lilunga lehlangothini enye nanye.



Omunye nomunye umuntu otlolisele ukuvowuda angavowuda

Igama lomvowudu omunye nomunye otlolisileko livela erhelweni labavowudu. Kuvunyelwe kwaphela laba abatlolisileko bona bangavowuda. Nangabe kuyenzeka bona awuzokubakhona ngesikhathi kuvowudwa esiyingini sakho, ungenza isibawo esikhethekileko sokuvowuda esitethini sakho sokuvowuda ngaphambi kwamakhetho.



Indlela yokukhetha ayithathihlangothi

Amakhetho enziwa yiKomitjhini yezamaKhetho okuyihlangano ezijameleko. Ayithathihlangothi begodu ayisekeli neyodwa ihlangano yezepolotiki. Amakhetho ayinto evulekileko nesepepeneni. Iihlangano zepolotiki nabatjheji baqala igadango elinye nelinye elenzekako ekambisweni yamakhetho.

Ingcenywe eqakathekileko yentando yenengi esebenziswako kukobana izakhamuzi zinelungelo lokuvowuda nokukhetha abarholi babo. Ukuze kwenzeke lokhu, amakhetho kufanele abe ngatjhaphulukileko nangathathi ihlangothi.

IKomitjhini yezamaKhetho ilawula amakhetho wezweloke, wesifunda newakaMasipala, okufaka ihlangana ukuthola amaziso ngokuvowuda eSewula Afrika. Umsebenzayo oqakathekileko kuqinisekisa bona amakhetho la asimahla begodu akathathihlangothi.

Soloko kwango-1994 woke amakhetho weSewula Afrika abonwe njengamakhetho atjhaphulukileko nangathathihlangothi basebenzisani bekhaya nebentjhabatjhaba.



SOUTH AFRICA



Iinhlangothi nabonkhetheni bangenza amajima ngaphandle kokusaba

Kunehlonipho lamaziso wabanye begodu kunekulumopikiswano evulekileko yomphakathi



Zoke iinhlangothi zamukela imiphumela yamaswaphelo yekhetho

Omnye nomnye umuntu unelungelo lokungavumelani nemiphumela yekhetho. IKomitiyini yezamaKhetho izokwenza iphenyo bese ithatha isiqunto. Nakukhona ongakaneliseki ngesiquntweso, indaba leyo ingathathwa isiwe eKhoti yezamaKhetho ekuzaba ngiyo ezakwenza isahlulelo ngombango wamakhetho.



Kunendlela yokuziphatha ekufanele ilandelwe ngomnye nomnye umuntu ngaphambi, ngesikhathi nangemva kwamakhetho

Zoke iinhlangothi ezibandakanya namakhetho kufanele zitlikile begodu zamukele iNdelela yokuziphatha emaKhethweni ekungiyi ebeka imithetho yekhetho elitjhaphulukileko nelingathathihlangothi.

Eentweni zoke, iinhlangothi zezepolitiki nabonkhetheni zivumelana ngalokhu:

- ukujamelana nepi yezombanganarha nokuthusela ezinye iinhlangothi, iKomitiyini yezamaKhetho, amalunga womphakathi kanye nabathathiindaba;
- ukukhulumisana neemphathimandla kanye nezinye iinhlangothi zepolitiki mayelana neminyanya ehleliweko yezepolitiki;
- ukusebenzisana neKomitiyini yezamaKhetho ngokuyivumela bona yenze umsebenzayo;
- ukwamukela imiphumela yekhetho nofana ise imiphumela eKhoti.

Akusisemthethweni:

- ukukhanda omnye umuntu bona akhulume nabanye abavowudu;
- ukuzibandakanya nelungelo lomvowudi ngesikhathi nakavowudako;
- ukusebenzisa ilimi eliphehla inturhu;
- ukuthusela abonkhetheni nofana abavowudu;
- ukupha umuntu isipho bona avowudele ihlangothi;
- ukususa nofana ukulahlala amaphostara weenhlangothi;
- ukufumbathisa nofana ukusoma isisebenzi seKomitiyini yezamaKhetho ngesikhathi senza umsebenzaso;
- ukuvimbela iKomitiyini yezamaKhetho ukwenza umsebenzayo yokwenza amakhetho.

LOKHA KUNOMUNTU OPHULA IMITHETHO YOKULAWULA AMAKHETHO ANGAZITHOLA ASENZOZINI YOKUHLAWULISWA NOFANA BABOTJHWE PHEZE IMINYAKA ELITJHUMI. IINHLANGOthi ZEPOLITIKI EZIPHULA IMITHETHO LE ZINGAHLAWULISWA BEGODU ZIJANYISWE BONA ZINGASASEBENZI ENDAWENI LEYO. NAMAVOWUDU WABO WENDAWO ANGASULWA.

Mayelana neKomitiyini yezamaKhetho

iKomitiyini yezamaKhetho izijamele, iZiko elingathathihlangothi elahlonywa ngesaHluko 9 somThethosisekelo. Ilawula amakhetho welizwe, wesifunda nakamasipala. Yenza isiqiniseko sokobana amakhetho enzeka ngokuthembeka. ngokutjhaphuluka nokungathathihlangothi.

I-Ofisi kaZwelo

Umrhala: 012 622 5700

info@elections.org.za

www.elections.org.za

Contact Centre: 0800 11 8000 (ngesikhathi samakhetho)

Silandela:



UkuThintana nama-Ofisi weemFunda

Pumalanga Kapa: 043 709 4200

Free State: 051 401 5000

Gauteng: 011 644 7400

KwaZulu-Natal: 031 279 2200

Limpopo: 015 283 9100

Mpumalanga: 013 762 0640

Tlhaqini Tjhaqalanga: 018 391 0800/5

Tlhaqini Kapa: 053 838 5000

Tjhaqalanga Kapa: 021 910 5700